

ხონის ცენტრალური საბავშვო ბაღში საკვები პროდუქტების
გამარტივებული ელექტრონული ტენდერის საშუალებით სახელმწიფო
შესყიდვის

სატენდერო დოკუმენტაცია

2011 წელი

სარჩევი:

1. ინსტრუქცია ელექტრონულ ტენდერში მონაწილეობისათვის	3
2. საკვალიფიკაციო მოთხოვნები	1
3. ტექნიკური დოკუმენტაცია	2
4. სახელმწიფო შესყიდვების შესახებ ხელშეკრულების პროექტი	3
5. აფიდავიტი	1

1. ინსტრუქცია ელექტრონულ ტენდერში მონაწილეობის.

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, „სახელმწიფო შესყიდვების განხორციელების წესის შესახებ“ დებულების და „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფდიავიტს და დაეთანხმოთ მას. (გაცნობას და თანხმობას ადასტურებთ სისტემის მეშვეობით). აფდიავიტის საილუსტრაციო ფორმა იხ. დანართი #1.

1.3 ამის შემდეგ, მიმწოდებელი ვალდებულია ჯერ წარმადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 %-ის ოდენობით.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართავობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

1.6 მას შემდეგ, რაც ზემოაღნიშნულ ქმედებებს განხორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა აღმნიშვნული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.10 სატენდერო წინადადებაში ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრულ ბიჯზე არანაკლები ოდნებით.

1.12 ბიჯი არის სატენდერო წინადადების ფასის კლების წინასწარ განსაზღვრული მნიშვნელოვანი ოდენობა, რომელიც მითითებულია სატენდერო განცხადების შესაბამის ველში.

1.13 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.14 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.15 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.16 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.17 თუ პრეტენდენტის მიერ წარმოდგენილი დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის, დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.18 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.19 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა შემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20 პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოუდგენლობის ან/და ხარვეზის მქონდე მონაცემების წარმოდგენისას. ბ) დამადასტურებელი დოკუმენტების წარმოუდგენლობის ან/და ხარვეზის მქონდე მონაცემების წარმოდგენისას. ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონდე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გავალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

1.21 ამ პუნქტის 1.20 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად

არმატება დისკვალიფიცირებული პრეტენდენტის მიერ ზემოთდასახლებულ ფასს/და ამ შესყიდვის ს ობიექტის საბაზრო ღირებულება.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველო ს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის პრეტენდენტს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება.

შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის აანაზღაუროს შესყიდვაში მონაწილეობასთან დაკავშირებული ხარჯები.

1.23 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

1.25 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.26 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომანტისათვის დაზუსტდება სატენდერო წინადადების შესაბამისად.

1.27 პრეტენდენტს არა აქვს უფლება წარმოადგინოს ალტერნატიული წინადადება.

2. საკვალიფიკაციო მოთხოვნები.

საკვალიფიკაციო მოთხოვნების შესაბამისად პრეტენდენტმა უნდა წარმოადგინოს შემდეგი დოკუმენტები:

2.1 იურიდიული პირებისათვის:

- ა) რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საქართველოს საჯარო რეესტრის ეროვნული სააგენტოდან იურიდიული პირის ქონებაზე საჯარო სამართლებრივი შეზღუდვის (ყადაღის) არსებობის შესახებ;
- გ) ცნობა საგადასახადო ინსპექციიდან ბიუჯეტისადმი დავალიანების არქონის შესახებ.

2.2 ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წსრმოება;
- ბ) ცნობა საგადასახადო ინსპექციიდან ბიუჯეტისადმი დავალიანების არქონის შესახებ.

2.3 როგორც იურიდიული ასევე ფიზიკური პირებისათვის:

- ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან.
- ბ) რეკვიზიტები;
- გ) სატენდერო წინადადების ფასი;
- დ) ფასების ცხრილი ფორმა 3.2 პუნქტის შესაბამისად ;
- ე) პრეტენდენტის შესაბამისი უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ბაზის შესახებ. სატენდერო წინადადება უნდა მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში;
- ვ) გამარჯვების შემთხვევაში წარმოსადგენი ხელშეკრულების უზრუნველყოფის საბანკო გარანტის ოდენობა პროცენტულად.

2.4 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს ელექტრონული ვაჭრობის დამატებითი რაუნდების დასრულების თარიღს.

2.5 ამ პუნქტის 2.4 ქვეპუნქტით გათვალისწინებული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები დედნის სახით ან ნოტარიულად დამოწმებული ასლები წარმოდგენილი უნდა იქნეს შემსყიდველ ორგანიზაციაში მოთხოვნიდან არაუმეტეს 5 (ხუთი) სამუშაო დღეში. არარეზიდენტმა პრეტენდენტმა უნდა წარმოადგინოს თავისი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.6 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

2.7 ამ პუნქტის 2.3 ქვეპუნქტით გათვალისწინებული ინფორმაცია უნდა აიტვირთოს ელექტრონულ სისტემაში პრეტენდენტის მიერ ტექნიკურ დოკუმენტაციასთან ერთად.

3. ტექნიკური დოკუმენტაცია

3.1 ტექნიკური დავალება

შესყიდვის ობიექტს წარმოადგენს ქვემოთ ჩამოთვლილი საკვები პროდუქტების მიწოდება ხონის ცენტრალური სამავშო ბაღისა და მის სისტემაში შემავალი ბაღებისათვის შესაბამის ვადებში.

შესასყიდი საქონლის დასახელება, რაოდენობა და მიწოდების პირობები

№	მისაწოდებელი საქონლის დასახელება	კოდი	განზომილების ერთეული	რაოდენობა	ფასი	მიწოდების ვადა	მიწოდების ადგილი და გრაფიკი
1	კარტოფილი	03212100	კგ.	1428	1999,20	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
2	ბრინჯი	03211300	კგ.	245	612,50	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
3	სტაფილო	03221112	კგ.	148,4	222,60	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
4	ხახვი	03221113	კგ.	158	237	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
5	კომბოსტო	03221410	კგ.	367,5	514,50	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
6	ჭარხალი	03221110	კგ.	92,8	139,20	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
7	ნიორი	03221120	კგ.	32	320	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ
8	ლობიო	03221210	კგ.	371	1855	3 თვე ნახევარი	ხონის ცენტ.ს/ბ ტერიტ. ორგანოს 14 ს/ბაღში კვირაში 2-ჯერ

3.2 ფასების ცხრილი (ხარჯთაღრიცხვა)

3.2.1 პრეტენდენტმა სისტემის მეშვეობით უნდა ატვირთოს ხარჯთაღრიცხვის ფორმა ქვემოთმოყვანილი ფასების ცხრილის შესაბამისად.

ფასების ცხრილი

პრეტენდენტის დასახელება

№	საქონლის დასახელება	კოდი	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი

3.2.2 ელექტრონული ვაჭრობის შედეგად გამოვლენილი გამარჯვებული ვალდებულია შემსყიდველ წარუდგინოს დაზუსტებული ფასების ცხრილი ზემოაღნიშნული ფორმის მიხედვით.

3.3 საქონლის მიწოდების გრაფიკი და ადგილი

3.3.1 მიწოდება უნდა განხორციელდეს ხელშეკრულების ხელმოწერიდან 2011 წლის 28 დეკემბრის ჩათვლით.

3.3.2 მიწოდება უნდა განხორციელდეს ეტაპობრივად შემსყიდველის მოთხოვნის შესაბამისად არაუგვიანეს 1 დღისა განაცხადის საფუძველზე, მიწოდების გრაფიკის შესაბამისად შემდეგ მისამართებზე:

აიპ „ხონის ცენტრალური საბავშვო ბაღის“ ტერიტორიულ ორგანოში შემავალი 14 საბავშვო ბაღის მისამართები

№	დასახელება	მისამართი
1	ცენტრალური საბავშვო ბაღი	ჭანტუარიას ქ. მე – 3 შესახვევი № 9
2	№ 1 საბავშვო ბაღი	შამათავას ქ. № 2
3	№ 2 საბავშვო ბაღი	აბაშიძის პირველი შესახვევი № 4
4	ივანდიდის საბავშვო ბაღი	სოფ. ივანდიდი
5	კუხის საბავშვო ბაღი	სოფ. კუხი
6	ქუტირის საბავშვო ბაღი	სოფ. ქუტირი
7	გუბის საბავშვო ბაღი	სოფ. გუბი
8	კონტუათის საბავშვო ბაღი	სოფ. კონტუათი
9	საწულუკიძეოს საბავშვო ბაღი	სოფ. საწულუკიძეო
10	ახალშენის საბავშვო ბაღი	სოფ. ახალშენი
11	გორდის საბავშვო ბაღი	სოფ. გორდი
12	გოჩა ჯიხაიშის საბავშვო ბაღი	სოფ. გოჩა ჯიხაიში
13	ნახახულევის საბავშვო ბაღი	სოფ. ნახახულევი
14	მათხოჯის საბავშვო ბაღი	სოფ. მათხოჯი

4. დამატებითი ინფორმაცია

მოწოდებული პროდუქციის ხარისხი უნდა შეესაბამებოდეს საქართველოს შრომის, ჯანმრთელობისა და სოციალური დაცვის სამინისტროს დადგენის სტანდარტებს და აკმაყოფილებდეს შემსყიდველის მოთხოვნებს.

სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნა შეიძლება განხორციელდეს ზეპირად და წერილობით.

5. საკონტაქტო ინფორმაცია

ცენტრალური ბაღის დირექტორი – ხათუნა ბახტაძე

ტელეფონი: 595 33 21 95

ელ.ფოსტა: centraluribagi@mail.ru

6. პრეტენდენტის მიერ წარმოსადგენი ინფორმაცია

პრეტენდენტის სრული დასახელება

პრეტენდენტის საიდენტიფიკაციო კოდი

პრეტენდენტის იურიდიული და ფაქტობრივი მისამართი

პრეტენდენტის ელ. ფოსტის მისამართი

საკონტაქტო პირის ტელეფონის ნომერი

ორგანიზაციის ხელმძღვანელის სახელი და გვარი

7. სახელმწიფო შესყიდვების შესახებ ხელშეკრულების პროექტი

ქ. ხონი /თარიღი/
ერთის მხრივ **ხონის ცენტრალური საბავშვო ბაღი** (შემდგომში შემსყიდველი) წარმოდგენილი
მისი დირექტორის **ხათუნა ბახტაძის** სახით და მეორეს მხრივ

(შემდგომში მიმწოდებელი) წარმოდგენილი მისი ხელმძღვანელის _____
სახით, სახელმწიფო შესყიდვების შესახებ კანონის დაცვით ვაფორმებთ წინამდებარე
ხელშეკრულებას სახელმწიფო შესყიდვის შესახებ შემდეგზე :

1. ტერმინთა განმარტებები

1.1 „ ხელშეკრულება სახელმწიფო შესყიდვის შესახებ“ (შემდგომში – ხელშეკრულება) –
შემსყიდველსა და მიმწოდებელს შორის დადებული წინამდებარე ხელშეკრულება, რომელიც
ხელმოწერილია მხარეთა მიერ მასზე თანდართული ყველა დოკუმენტით.

1.2 „ ხელშეკრულების ღირებულება“ – საერთო თანხა, რომელზეც გაფორმებულია წინამდებარე
ხელშეკრულება.

1.3 „ შემსყიდველი“ – ორგანიზაცია , რომელიც ახორციელებს შესყიდვას.

1.4 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების
ფარგლებში.

2. ხელშეკრულების ობიექტი

2.1 მიმწოდებელი უზრუნველყოფს შემსყიდველისათვის **საკვები პროდუქტების** მიწოდებას
ხელშეკრულების გაფორმებიდან 2011 წლის 28 დეკემბრის ჩათვლით.

2.2 ხელშეკრულებით გათვალისწინებული საქონლის აღწერა მოცემულია ტექნიკურ დავალებაში,
რომელიც წარმოადგენს ამ ხელშეკრულების განუყოფელ ნაწილს.

3. ხელშეკრულების ღირებულება

3.1 ხელშეკრულების ღირებულება შეადგენს 5900 (ხუთიათასცხრასი) ლარს.

3.2 ხელშეკრულების ღირებულება მოიცავს ხელშეკრულებით გათვალისწინებული საქონლის
შესყიდვასთან დაკავშირებულ მიწოდების ყველა ხარჯს და საქართველოს კანონმდებლობით
გათვალისწინებულ გადასახადებს.

4. ანგარიშსწორების ფორმა და ვადები.

4.1 შემსყიდველი იღებს ვალდებულებას გადაიხადოს შემენილი საქონლის ღირებულება
საანგარიშსწორებო დოკუმენტაციის (სპეციალური ანგარიშფაქტურა ან/და მიღება-ჩაბარების აქტი
) შემსყიდველისათვის წარდგენის შემდეგ უნაღდო ანგარიშსწორებით მიმწოდებლის მიერ
მიწოდებული რეკვიზიტების მიხედვით.

4.2 ანგარიშსწორების ვადა– შესაბამისი საანგარიშსწორებო დოკუმენტაციის გაფორმებიდან
არაუმეტეს 15 (თხუთმეტი) კალენდარული დღის განმავლობაში.

5. მიღება-ჩაბარებს წესი

5.1 ხელშეკრულების ობიექტი ან მისი ნაწილი ჩაითვლება მიღებულად მხოლოდ შესაბამისი
საანგარიშსწორებო დოკუმენტაციის გაფორმების შემდეგ.

6 მხარეთა უფლება – მოვალეობანი

6.1 შემსყიდველი უფლებამოსილია ნებისმიერ დროს განახორციელოს მომწოდებლის მიერ
ნაკისრი ვალდებულებების შესრულებისა და ხარისხის ინსპექტირება.

6.2 შემსყიდველი ვალდებულია უზრუნველყოს მიმწოდებლის მიერ მიწოდებული საქონლის
ტალონების ღირებულების ანაზღაურება ხელშეკრულებით გათვალისწინებული ვადებისა და
პირობების დაცვით.

6.3 მიმწოდებელი უფლებამოსილია მოსთხოვოს შემსყიდველს მიწოდებული საქონლის
ღირებულების ანაზღაურება ამ ხელშეკრულებით გათვალისწინებული ვადებისა და პირობების
დაცვით.

6.4 მიმწოდებელი ვალდებულია მიაწოდოს ნივთობრივად და უფლებრივად უდავო საქონელი სათანადო ხარისხითა და სრული მოცულობით განუხრელად და ჯეროვნად შეასრულოს ამ ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში.

7. ხელშეკრულებით ნაკისრი ვალდებულების შესრულების ინსპექტირება.

7.1 ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი კოორდინატორი თამარ გენძეხაძე, სათნოების სახლის დირექტორი.

7.2 ინსპექტირება გულისხმობს მიმწოდებლის მიერ ხელშეკრულების პირობების შესაბამისად მიწოდებული საქონლის ხარისხის კონტროლს.

7.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლოთ დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა.

8.1 ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იცვლება ხელშეკრულების ჯამური ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2 საქართველოს სამოქალაქო კოდექსით 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.3 ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა, რაც წინამდებარე ხელშეკრულებას.

8.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა ეცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.5 ხელშეკრულება ასევე შეიძლება შეწყდეს მხარეთა ინიციატივით ურთიერთშეთანხმების საფუძველზე.

9. დაუძლეველი ძალა (ფორს-მაჟორი)

9.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი მხარის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ მაგრამ არანაკლებ მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ, წინააღმდეგ შემთხვევაში შესაბამისი მხარე არ განთავისუფლდება ნაკისრი ვალდებულებებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1 ხელშეკრულების პირობების დარღვევის შემთხვევაში მხარეები პასუხს აგებენ ნაკისრი ვალდებულებების შეუსრულებლობისათვის ან/და მისი არაჯეროვნად შესრულებისათვის კონკრეტულ შემთხვევაში მიყენებული ზიანის ოდენობით, ურთიერთშეთანხმებით, ან კანონმდებლობით გათვალისწინებული წესის შესაბამისად.

11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში დავის გადასაწყვეტად მხარეები უფლებამოსილნი არიან მიმართონ სასამართლოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1 ხელშეკრულება ძალაში შედის ხელშეკრულების გაფორმების თარიღიდან და მოქმედებს 2011 წლის 28 დეკემბრის ჩათვლით.

13. მხარეთა რეკვიზიტები

შემსყიდველი:

მიმწოდებელი:

ხონის ცენტრალური საბავშვო ბაღი ხონი, ჭანტურიას მე-3 შესახვევი 9 საიდენტიფიკაციო კოდი:244973187 ტელეფონი: 595 33 21 95 ელ.ფოსტა: centra luribagi@mail.ru სს “ლიბერთი ბანკის“ ხონის ფილიალი კოდი:LBRTGE22 ა/ა GE60LBO125144339126000 ცენტრალური ბაღის დირექტორი ხათუნა ბახტაძე	
---	--

8. აფიდავიტი

სატენდერო წინადადების დამოუკიდებლად განსაზღვრის თაობაზე

მე ქვემოთ ხელისმომწერი _____

(სახელი, გვარი და პირადი ნომერი)

უფლება მოსილი ვარ _____ მიერ

(პრეტენდენტის დასახელება, საიდენტიფიკაციო ნომერი)

ხელი მოვაწერო ამ აფიდავიტს და წარვადგინო ეს სატენდერო წინადადება

(შემსყიდველი ორგანიზაცია)

მიერ _____

(ტენდერი გამოცხადების თარიღი და შესყიდვის ობიექტი ან/და CPV კოდი)

შესყიდვის მიზნით გამოცხადებულ ტენდერში მონაწილეობის მისაღებად ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისაგან დამოუკიდებლად, ასევე ვადასტურებ, რომ :

- ჩემთვის ცნობილია ,რომ სატენდერო წინადადება დისკვალიფიცირებული იქნება, რომ თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- ნებისმიერი პირი, რომლის ხელმოწერაც დაფიქსირებულია სატენდერო წინადადებაზე შესაბამისად უფლებამოსილია პრეტენდენტის მიერ ;
- ჩემთვის ცნობილია ,რომ ტერმინი „კონკურენტი“ აფიდავიტის მიზნებიდან გამომდინარე გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარმოადგინოს სატენდერო წინადადება ამ ტენდერში.
- მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისაგან თავსი შეკავება;
 - ისეთი სატენდერო წინადადების განზრახ წარდგენა ,რომელც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები რომელთაც ეხებათ სატენდერო წინადადება.

• სატენდერო წინადადების პირობები პრეტენდენტს წინასწარი განზრახვით , პირდაპირ ან არაპირდაპირ არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის

უტყუარობას.

(სახელი, გვარი და ხელმოწერა)

სახელმწიფო შესყიდვების მიზნებისათვის აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერილი პრეტენდენტის სახელით ადასტურებს დოკუმენტში მითითებული ინფორმაციისა და გარემოებებს უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

